



SLUŽBENE NOVINE OPĆINE KAKANJ

IZDAVAČ:
Općina Kakanj
GODINA XVI

Broj 1/2012
Datum: 19.01.2012.
Akti: 1 – 8

GRAFIČKA PRIPREMA I ŠTAMPA:
STRUČNA SLUŽBA ZA POSLOVE
OPĆINSKOG VIJEĆA

1.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ
Općinsko vijeće
Broj: 0-01/1-344/11
Kakanj, 29.12.2011. godine

Na osnovu člana 24. i 26. Statuta Općine Kakanj („Službene novine Općine Kakanj“, broj 4/08) i člana 57. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 38. sjednici održanoj 29.12.2011. godine, donijelo je

OKVIRNI PROGRAM RADA OPĆINSKOG VIJEĆA ZA 2012. GODINU

I – U V O D

Program rada Općinskog vijeća za 2012. godinu sačinjavaju pitanja iz nadležnosti Općine kao jedinice lokalne samouprave utvrđene Ustavom Federacije Bosne i Hercegovine, Ustavom Zeničko-dobojskog kantona, Zakonom o principima lokalne samouprave u F BiH i drugim zakonima i podzakonskim aktima.

Općinsko vijeće će ovim Okvirnim programom rada za 2012.godinu, poštujući proceduru utvrđenu Statutom i Poslovníkom o radu Vijeća, razmatrati nacрте i prijedloge akata ovlašćenih obrađivača i predlagača utvrđenim zakonom, planove i programe rada i izvještaje o radu javnih ustanova i izvještaje o radu i poslovanju javnih preduzeća i

druga pitanja koja proizilaze iz njegove nadležnosti i djelokruga rada.

II – SADRŽAJ PROGRAMA

U 2012. godini, Općinsko vijeće će, po mjesecima razmatrati:

JANUAR

1. Prijedlog budžeta Općine Kakanj za 2012. godinu
Obrađivač: Služba za finansije
Predlagač: Općinski načelnik
2. Prijedlog odluke o izvršavanju budžeta Općine Kakanj za 2012. godinu
Obrađivač: Služba za finansije
Predlagač: Općinski načelnik
3. Prijedlog odluke o organiziranju i funkcioniranju zaštite od požara
Obrađivač: Služba civilne zaštite
Predlagač: Općinski načelnik
4. Analiza stanja i poslovanja javnih preduzeća i javnih ustanova čiji je osnivač Općina Kakanj sa finansijskim pokazateljima poslovanja, prihodima i rashodima, strukturom zaposlenih, politikom zapošljavanja i drugim parametrima za 2011. godinu
Obrađivači: javna preduzeća i javne ustanove
Predlagač: Nadzorni i Upravni odbori i direktori javnih preduzeća i javnih ustanova

5. Prijedlog plana rada i razvoja JU Dom zdravlja sa poliklinikom Kakanj sa finansijskim planom za 2012. godinu
Obrađivač: JU Dom zdravlja sa poliklinikom Kakanj
Predlagač: direktor JU i Upravni odbor
6. Prijedlog programa rada JU za kulturu i obrazovanje sa finansijskim planom za 2012. godinu
Obrađivač: JU za kulturu i obrazovanje
Predlagač: direktor JU i Upravni odbor
7. Prijedlog programa rada JU Gradska biblioteka Kakanj sa finansijskim planom za 2012. godinu
Obrađivač: JU Gradska biblioteka Kakanj
Predlagač: direktor JU i Upravni odbor
8. Prijedlog finansijskog plana poslovanja JU za predškolski odgoj i obrazovanje „Mladost“ Kakanj za 2012. godinu
Obrađivač: JU „Mladost“ Kakanj
Predlagač: direktor JU i Upravni odbor
9. Izvještaj o radu Komisije za procjenu prometne vrijednosti nekretnina za 2011. godinu
Obrađivač: Komisija za procjenu prometne vrijednosti nekretnina
10. Izvještaj o realizaciji Programa o utrošku sredstava od cestarina i koncesija za 2011. godinu
Obrađivač: Služba za poduzetništvo, društvene djelatnosti, eko-zaštitu i inspeksijske poslove
Predlagač: Općinski načelnik
11. Informacija o realizaciji Odluke o saniranju budžetskog deficita iz 2009. godine
Obrađivač: Služba za finansije
Predlagač: Općinski načelnik
12. Informacija o realizaciji Budžeta Općine Kakanj za 2011. godinu
Obrađivač: Služba za finansije
Predlagač: Općinski načelnik
13. Informacija o realizaciji Programa stimulativnog zapošljavanja pripravnika u 2011. godini
Obrađivač: Služba za opću upravu, lokalnu samoupravu, mjesne zajednice, stambene i zajedničke poslove
Predlagač: Općinski načelnik
14. Informacija o zastupljenosti konstitutivnih naroda u zakonodavnoj i izvršnoj vlasti i organima upravljanja javnih preduzeća i javnih ustanova čiji je osnivač Općina Kakanj
Obrađivač: Služba za opću upravu, lokalnu samoupravu, mjesne zajednice, stambene i zajedničke poslove
Predlagač: Općinski načelnik

FEBRUAR

1. Prijedlog odluke o izmjenama i dopunama Odluke o građevinskom zemljištu
Obrađivač: Služba za urbanizam, geodetske i imovinskopravne poslove
Predlagač: Općinski načelnik
2. Prijedlog odluke o izmjenama Odluke o provođenju Prostornog plana općine Kakanj 2010. – 2030.
Obrađivač: Zavod za planiranje i izgradnju općine Kakanj, Služba za urbanizam, geodetske i imovinskopravne poslove
Predlagač: Općinski načelnik
3. Prijedlog programa utroška sredstava naknade za građevinsko zemljište za 2012. godinu
Obrađivač: Zavod za planiranje i izgradnju općine Kakanj
Predlagač: direktor Zavoda
4. Prijedlog programa utroška sredstava komunalne naknade za 2012. godinu
Obrađivač: Zavod za planiranje i izgradnju općine Kakanj
Predlagač: direktor Zavoda
5. Prijedlog programa rasporeda sredstava od koncesija za 2012. godinu
Obrađivač: Služba za poduzetništvo, društvene djelatnosti, eko-zaštitu i inspeksijske poslove
Predlagač: Općinski načelnik

6. Prijedlog programa utroška sredstava za zaštitu i spašavanje u 2012. godini
Obrađivač: Služba civilne zaštite
Predlagač: Općinski načelnik
7. Prijedlog programa rasporeda sredstava Fonda za zaštitu okoliša za 2012. godinu
Obrađivač: Služba za poduzetništvo, društvene djelatnosti, eko-zaštitu i inspekcijske poslove
Predlagač: Općinski načelnik
8. Prijedlog programa rasporeda sredstava od cestarina za 2012. godinu
Obrađivač: Služba za poduzetništvo, društvene djelatnosti, eko-zaštitu i inspekcijske poslove
Predlagač: Općinski načelnik
9. Prijedlog programa rasporeda sredstava za informiranje za 2012. godinu
Obrađivač: Služba finansije
Predlagač: Općinski načelnik
10. Prijedlog programa rasporeda sredstava za sport za 2012. godinu
Obrađivač: Služba za poduzetništvo, društvene djelatnosti, eko-zaštitu i inspekcijske poslove i Sportski savez općine
Predlagač: Općinski načelnik
11. Prijedlog programa rasporeda sredstava za obilježavanje značajnih datuma, događaja i manifestacija za 2012. godinu
Obrađivač: Služba za poduzetništvo, društvene djelatnosti, eko-zaštitu i inspekcijske poslove, i Služba za boračko-invalidsku zaštitu, raseljena lica, izbjeglice i povratnike
Predlagač: Općinski načelnik
12. Prijedlog programa rasporeda sredstava udruženjima-nevladinim/neprofitnim organizacijama za 2012. godinu
Obrađivač: Služba za poduzetništvo, društvene djelatnosti, eko-zaštitu i inspekcijske poslove
Predlagač: Općinski načelnik
13. Prijedlog odluke o rasporedu sredstava političkim subjektima za 2012. godinu
Obrađivač: Radna grupa Općinskog vijeća
Predlagač: Kolegij Općinskog vijeća
14. Informacija o realizovanim sredstvima javnim ustanovama čiji je osnivač Općina Kakanj iz Budžeta Općine u 2011. godini
Obrađivač: Služba za finansije
Predlagač: Općinski načelnik

M A R T

1. Prijedlog odluke o visini prosječne konačne građevinske cijene 1m² korisne stambene površine iz prethodne godine (2011.)
Obrađivač: Služba za urbanizam, geodetske i imovinskopravne poslove
Predlagač: Općinski načelnik
2. Prijedlog odluke o visini naknade za nepriznata uzurpirana zemljišta na području općine Kakanj u 2012. godini
Obrađivač: Služba za urbanizam, geodetske i imovinskopravne poslove
Predlagač: Općinski načelnik
3. Izvještaj o realizaciji okvirnog Programa rada Općinskog vijeća za 2011. godinu
Obrađivač: Stručna služba za poslove Općinskog vijeća
Predlagač: predsjedavajući Općinskog vijeća
4. Izvještaj o ostvarivanju politike jedinice lokalne samouprave i aktivnostima Općinskog načelnika za 2011. godinu.
Obrađivač: Stručna služba za poslove Općinskog načelnika
Predlagač: Općinski načelnik
5. Izvještaj o radu Općinskog pravobranilaštva Općine Kakanj za 2011. godinu.
Obrađivač: općinski pravobranilac Kakanj
Predlagač: općinski pravobranilac Kakanj
6. Informacija o realizaciji sredstava boračkim populacijama sa viših nivoa vlasti i sredstava Budžeta Općine Kakanj u skladu sa kriterijima i pozitivnim zakonskim propisima za 2011. godinu
Obrađivač: Služba za boračko-invalidsku zaštitu, raseljena lica, izbjeglice i povratnike
Predlagač: Općinski načelnik

7. Izvještaj o radu JU Centar za socijalni rad Kakanj sa finansijskim izvještajem za 2011.godinu.
Obrađivač: JU Centar za socijalni rad
Predlagač: direktor JU i Upravni odbor
8. Izvještaj o radu Javne ustanove za kulturu i obrazovanje Kakanj sa izvještajem o finansijskom poslovanju za 2011.godinu.
Obrađivač: JU za kulturu i obrazovanje Kakanj
Predlagač: direktor JU i Upravni odbor
9. Izvještaj o radu JU Gradska biblioteka sa izvještajem o finansijskom poslovanju za 2011.godinu.
Obrađivač: JU Gradska biblioteka
Predlagač: direktor JU i Upravni odbor
10. Izvještaj o radu JU Doma zdravlja sa poliklinikom Kakanj za izvještajem o materijalno-finansijskom poslovanju za 2011.godinu.
Obrađivač: JU Dom zdravlja sa poliklinikom Kakanj
Predlagač: direktor JU i Upravni odbor
11. Izvještaj o zdravstvenom stanju stanovništva općine Kakanj i Izvještaj o epidemijama u 2011.godini
Obrađivač: JU Dom zdravlja sa poliklinikom Kakanj
Predlagač: direktor JU i Upravni odbor
3. Informacija o stanju zaposlenosti i nezaposlenosti na području općine Kakanj u 2011.godini.
Obrađivač: Služba za poduzetništvo, društvene djelatnosti, eko-zaštitu i inspeksijske poslove, Zavod za zapošljavanje Kakanj
Predlagač: Općinski načelnik
4. Izvještaj o realizaciji prioritetnih programa i projekata mjesnih zajednica iz okruženja „Termoelektrane“ Kakanj u 2011. godini
Obrađivač: Služba za poduzetništvo, društvene djelatnosti, eko-zaštitu i inspeksijske poslove
Predlagač: Općinski načelnik
5. Informacija o stanju javnog reda i mira, sigurnosti ljudi i imovine za 2011. godinu i za period januar – mart 2012. godine
Obrađivač: MUP ZE-DO kantona-Policajska uprava Visoko -Policajska stanica Kakanj
(Informacija o stanju javnog reda i mira, sigurnosti ljudi i imovine za 2012. godinu će se razmatrati kvartalno)

MAJ

- APRIL**
1. Izvještaj o izvršenju Budžeta Općine Kakanj za 2011. godinu
Obrađivač: Služba za finansije
Predlagač: Općinski načelnik
2. Izvještaj o stanju i sprovođenju mjera zaštite životne okoline na području općine Kakanj za 2011. godinu i I kvartal 2012. godine (Izvještaji o stanju i sprovođenju mjera zaštite životne okoline na području općine Kakanj će se razmatrati kvartalno)
Obrađivač: Radna grupa za praćenje realizacije Akcionog plana za poboljšanje ekološke kvalitete življenja stanovnika općine Kakanj
Predlagač: Općinski načelnik
1. Godišnja analiza o kretanju proizvodnje po nosiocima razvoja općine (RMU, TE i TC) za 2011. godinu za osvrtom na fizički obim proizvodnje, broju uposlenih, prosjeku ostvarenih neto plaća i ekonomskim parametrima po zaposlenom
Obrađivač: Služba za poduzetništvo, društvene djelatnosti, eko-zaštitu i inspeksijske poslove
Predlagač: Općinski načelnik
2. Informacija o obnovi i povratku izbjeglih i raseljenih osoba na području općine Kakanj u 2011.godini
Obrađivač: Služba za boračko - invalidsku zaštitu, raseljena lica, izbjeglice i povratnike i Služba za poduzetništvo, društvene djelatnosti, eko-zaštitu i inspeksijske poslove
Predlagač: Općinski načelnik
3. Informacija o stanju cestovne infrastrukture na području općine Kakanj
Obrađivač: Služba za poduzetništvo, društvene djelatnosti, eko-zaštitu i inspeksijske poslove
Predlagač: Općinski načelnik

JUNI

1. Informacija o ostvarenim rezultatima poslovanja pravnih subjekata koji vode knjigovodstvo po kontnom planu preduzeća po završnom računu za 2011.godinu
Obrađivač: Služba za poduzetništvo, društvene djelatnosti, eko-zaštitu i inspeksijske poslove
Predlagač: Općinski načelnik
2. Informacija o stanju kulture i sporta na području općine Kakanj
Obrađivač: Služba za poduzetništvo, društvene djelatnosti, eko-zaštitu i inspeksijske poslove i Sportski savez općine
Predlagač: Općinski načelnik

JUNI

1. Izvještaj o radu i poslovanju JU Dom zdravlja sa poliklinikom sa izvještajem o materijalno-finansijskom poslovanju za period januar-juni 2012.godine
Obrađivač: JU Dom zdravlja sa poliklinikom
Predlagač: direktor JU i Upravni odbor
2. Izvještaj o radu JU Centar zasocijalni rad sa finansijskim izvještajem za period januar-juni 2012.godine
Obrađivač: JU Centar za socijalni rad
Predlagač: direktor JU i Upravni odbor
3. Izvještaj o radu JU za kulturu i obrazovanje sa finansijskim izvještajem za period januar-juni 2012.godine
Obrađivač: JU za kulturu i obrazovanje
Predlagač: direktor JU i Upravni odbor
4. Izvještaj o radu JU Gradska biblioteka sa finansijskim izvještajem za period januar-juni 2012.godine
Obrađivač: JU Gradska biblioteka
Predlagač: direktor JU i Upravni odbor
5. Izvještaj o radu Javne ustanove za predškolski odgoj i obrazovanje «Mladost» za školsku 2011 /2012 godinu
Obrađivač: JU za predškolski odgoj i obrazovanje «Mladost» Kakanj
Predlagač: direktor JU i Upravni odbor

6. Informacija o utrošku sredstava za oblike socijalne zaštite koji se finansiraju iz općinskog budžeta za period 01.01.2012. godine do 30.06.2012. godine
Obrađivač: JU Centar za socijalni rad
Predlagač: direktor JU i Upravni odbor

SEPTEMBAR

1. Izvještaj o izvršenju budžeta Općine Kakanj za period I – VI 2012. godine.
Obrađivač: Služba za finansije
Predlagač: Općinski načelnik
2. Izvještaj o radu i poslovanju JP „Vodokom“ d.o.o. Kakanj sa finansijskim izvještajem i izvještajem vanjskog revizora za 2011. godinu
Obrađivač: JP „Vodokom“ d.o.o. Kakanj
Predlagač: Skupština JP
3. Izvještaj o poslovanju JP „Grijanje“ d.o.o. Kakanj sa finansijskim izvještajem i izvještajem vanjskog revizora za 2011. godinu
Obrađivač: JP „Grijanje“ d.o.o. Kakanj
Predlagač: Skupština JP
4. Izvještaj o poslovanju JP „Kakanj-sport“ d.o.o. Kakanj sa finansijskim izvještajem i izvještajem vanjskog revizora za 2010. godinu
Obrađivač: JP „Kakanj-sport“ d.o.o. Kakanj
Predlagač: Skupština JP
5. Prijedlog programa rada JU za predškolski odgoj i obrazovanje „Mladost“ Kakanj za školsku 2012/2013 godinu
Obrađivač: JU „Mladost“
Predlagač: direktor i Upravni odbor
6. Nacrt odluke o izmjenama i dopunama Regulacionog plana „Centar“ Kakanj
Obrađivač: Služba za urbanizam, geodetske i imovinskopravne poslove
Predlagač: Općinski načelnik
7. Prijedlog odluke o usvajanju regulacionog plana „Banja Tičići“
Obrađivač: Služba za urbanizam, geodetske i imovinskopravne poslove
Predlagač: Općinski načelnik

O K T O B A R

1. Nacrt budžeta Općine Kakanj za 2013. godinu.
Obrađivač: Služba za finansije
Predlagač: Općinski načelnik
2. Nacrt odluke o izvršavanju budžeta Općine Kakanj za 2013.godinu.
Obrađivač: Služba za finansije
Predlagač: Općinski načelnik
3. Informacija o stanju u osnovnim školama na području općine Kakanj na kraju prethodne i početku nove školske 2012/2013. godine
Obrađivač: Služba za poduzetništvo, društvene djelatnosti, eko-zaštitu i inspekcijske poslove
Predlagač: Općinski načelnik
4. Informacija o stanju u srednjim školama na području općine Kakanj na kraju prethodne i početku nove školske 2012/2013 godine
Obrađivač: Služba za poduzetništvo, društvene djelatnosti, eko-zaštitu i inspekcijske poslove
Predlagač: Općinski načelnik

N O V E M B A R

1. Prijedlog plana rada i razvoja JU Dom zdravlja sa poliklinikom Kakanj sa finansijskim planom za 2013. godinu
Obrađivač: JU Dom zdravlja sa poliklinikom Kakanj
Predlagač: direktor JU i Upravni odbor
2. Prijedlog plana i programa rada JU Centar za socijalni rad Kakanj sa finansijskim planom za 2013. godinu
Obrađivač: JU Centar za socijalni rad Kakanj
Predlagač: direktor JU i Upravni odbor
3. Prijedlog programa rada JU za kulturu i obrazovanje sa finansijskim planom za 2013. godinu
Obrađivač: JU za kulturu i obrazovanje
Predlagač: direktor JU i Upravni odbor
4. Prijedlog programa rada JU Gradska biblioteka Kakanj sa finansijskim planom za 2013. godinu
Obrađivač: JU Gradska biblioteka Kakanj
Predlagač: direktor JU i Upravni odbor

5. Prijedlog finansijskog plana poslovanja JU za predškolski odgoj i obrazovanje „Mladost“ Kakanj za 2013. godinu
Obrađivač: JU „Mladost“ Kakanj
Predlagač: direktor JU i Upravni odbor

D E C E M B A R

1. Prijedlog okvirnog programa rada Općinskog vijeća za 2013.godinu.
Obrađivač: Stručna služba za poslove Općinskog vijeća
Predlagač: Kolegij Općinskog vijeća
2. Prijedlog budžeta Općine Kakanj za 2013.godinu.
Obrađivač: Služba za finansije
Predlagač: Općinski načelnik
3. Prijedlog odluke o izvršavanju budžeta Općine Kakanj za 2013.godinu.
Obrađivač: Služba za finansije
Predlagač: Općinski načelnik
4. Prijedlog odluke vrijednosti boda naknade za građevinsko zemljište za 2013.godinu.
Obrađivač: Zavod za planiranje i izgradnju općine Kakanj
Predlagač: direktor Zavoda
5. Prijedlog odluke o vrijednosti boda za komunalne naknade za 2013.godinu.
Obrađivač: Zavod za planiranje i izgradnju općine Kakanj
Predlagač: direktor Zavoda
6. Informacija o utrošku sredstava za oblike socijalne zaštite koji se finansiraju iz općinskog Budžeta za period 01.07.2012. godine do 31.12.2012. godine
Obrađivač: JU Centar za socijalni rad
Predlagač: direktor JU i Upravni odbor
7. Prijedlog odluke o izmjenama i dopunama Regulacionog plana „Centar“ Kakanj
Obrađivač: Služba za urbanizam, geodetske i imovinskopravne poslove
Predlagač: Općinski načelnik

III – OSTALI AKTI

Ostali akti Vijeća (rješenja o utvrđivanju općeg interesa, rješenja o dodjeli zemljišta i dr.) koji se donose u skladu sa članom 200. stav 2. Zakona o upravnom postupku, razmatrat će se na sjednicama Vijeća po potrebi i na osnovu zaprimljenih zahtjeva.

Općinsko vijeće će u toku 2012. godine razmatrati i druga pitanja u okviru svoje nadležnosti utvrđene pozitivnim zakonskim propisima, po prijedlogu javnih preduzeća, javnih ustanova, mjesnih zajednica, udruženja građana i ostalih subjekata i građana.

IV – RADNA TIJELA VIJEĆA

Zakonom o principima lokalne samouprave i Poslovníkom o radu Vijeća, propisano je da Općinsko vijeće može osnivati savjete, komisije, odbore i druga radna tijela u svrhu priprema odluka iz njihovog djelokruga.

Radna tijela Vijeća će u toku cijele godine kontinuirano razmatrati materijale, predlagati i davati mišljenja Vijeću te vršiti druge poslove koji su utvrđeni Poslovníkom i odlukama o osnivanju.

Općinsko vijeće će odlučivati o izborima i imenovanjima, davati saglasnost na imenovanja, razmatrati ostavke, i o drugim pitanjima koja proizilaze iz njegove nadležnosti.

Po ukazanoj potrebi i zahtjevima, Općinsko vijeće će davati autentična tumačenja odluka i drugih akata koje donosi Vijeće.

V – VANREDNE SJEDNICE OPĆINSKOG VIJEĆA

Vanredne sjednice Općinskog vijeća će se zakazivati i održavati po ukazanoj potrebi, odnosno u slučajevima elementarnih nepogoda (poplava, požar, zemljotres i dr.) kada je neophodno donošenje hitnih odluka i drugih akata i ako bi nedonošenje takvih odluka i drugih akata u određenom roku i u određenim situacijama moglo imati štetne posljedice po društveni interes.

VI – TEMATSKE SJEDNICE OPĆINSKOG VIJEĆA

Tematske sjednice Općinskog vijeća će se zakazivati i održavati po zaključcima Općinskog

vijeća u slučajevima kada određenim pitanjima i određenoj tematici treba posvetiti posebnu raspravu, odnosno posebnu sjednicu Vijeća.

VII – SVEČANA SJEDNICA OPĆINSKOG VIJEĆA

Svečana sjednica Općinskog vijeća se zakazuje i održava u povodu 15.aprila – Dana općine Kakanj.

VIII – SVEČANE AKADEMIJE OPĆINSKOG VIJEĆA

Svečane akademije Općinskog vijeća se održavaju u povodu obilježavanja značajnih datuma Bosne i Hercegovine (1.mart – Dan nezavisnosti BiH, 25.novembar – Dan državnosti BiH) i drugim značajnim datumima kada to odluči Općinsko vijeće.

IX – ZADACI I CILJEVI PROGRAMA

Realizacijom zadataka i pitanja iz Programa rada očekivati je ostvarenje sljedećih ciljeva:

- povećanje nivoa efikasnosti, transparentnosti i odgovornosti Vijeća, Općinskog načelnika i službi za upravu općine,
- povećanje otvorenosti Općine prema potrebama građana i stvaranje mogućnosti za većim učešćem građana u odlučivanju po pitanjima samoupravnog djelokruga Općine kao jedinice lokalne samouprave,
- unaprjeđenje razgraničenja ovlasti i odgovornosti između zakonodavne i izvršne vlasti, povećanje efikasnosti i odgovornosti Vijeća kao zakonodavne vlasti i većeg nadzora na radom izvršne vlasti kroz sprovođenje i izvršavanje odluka Vijeća,
- poboljšanje transparentnosti i vladavinu zakona u administrativnim procedurama, pristupa informacija građanima, uvođenje profesionalnih standarda i stvaranje uslova za efikasniju i odgovorniju općinsku administraciju.

Zadaci i ciljevi utvrđeni ovim Programom su okvirnog karaktera. Ovlašteni predlagači ovim Programom nisu ograničeni u okviru svojih ovlaštenja i nadležnosti i Općinsko vijeće od istih očekuje nove inicijative i prijedloge tokom cijele

2012.godine, a koji će se po propisanoj proceduri uvrštavati u dnevni red sjednice Vijeća i o istim voditi rasprava.

X – PRIMJENA PROGRAMA

Svi obrađivači materijala obavezni su se pridržavati utvrđenih rokova iz ovog Programa rada pri izradi materijala iz svoje nadležnosti.

Obrađivači su dužni materijale dostavljati Stručnoj službi za poslove Općinskog vijeća najkasnije petnaest (15) dana prije održavanja sjednice Općinskog vijeća.

U slučaju nepoštivanja ovog Okvirnog Programa kao i nepridržavanja utvrđenih rokova a koji se odnose na javna preduzeća i javne ustanove čiji je osnivač Općina, kao i od strane drugih obrađivača i predlagača, Stručna služba će blagovremeno izvještavati Kolegij i Općinsko vijeće.

XI – STUPANJE NA SNAGU

Program rada Općinskog vijeća za 2012. godinu stupa na snagu danom donošenja, a objavit će se u «Službenim novinama Općine Kakanj».

**PREDSJEDAVAJUĆI
OPĆINSKOG VIJEĆA**

Ivica Petrović, s.r

2.

BOSNA I HERCEGOVINA FEDERACIJA BOSNE I HERCEGOVINE ZENIČKO-DOBOJSKI KANTON OPĆINA KAKANJ

Općinsko vijeće

Broj: 0-01/1-348/11

Kakanj, 05.01.2012. godine

Na osnovu člana 21. Zakona o budžetima u Federaciji Bosne i Hercegovine („Službene novine F BiH“, broj: 19/06, 76/08, 5/09, 32/09, 9/10, 36/10 i 45/10) i člana 24. Statuta Općine Kakanj („Službene novine Općine Kakanj“, broj: 4/08), Općinsko vijeće na 38. sjednici održanoj 05.01.2012. godine, donijelo je

ODLUKU

o privremenom finansiranju općine Kakanj za period 01.01.2012.-31.03.2012. godine

Član 1.

Ovom Odlukom utvrđuje se privremeno finansiranje Općine Kakanj za period 01.01.-31.03.2012. godine do donošenja budžeta Općine Kakanj za 2012. godinu.

Član 2.

Privremeno finansiranje Općine Kakanj za period 01.01.2012.-31.03.2012. godine utvrđuje se u iznosu do 2.966.000,00 KM, a sastoji se od:

Tabela 1.

PRIHODI	
1. PRIHODI OD POREZA	
1.1.DIREKTNI POREZI	1.497.000,00 KM
Porez na dobit pojedinaca (dug iz ranijih godina)	9.000,00 KM
Porez na plaću (dug iz ranijih godina)	38.000,00 KM
Porez na imovinu	108.000,00 KM
Porez na promet proizvoda i usluga (dug iz ranijih godina)	2.000,00 KM
Porez na dohodak	320.000,00 KM
1.2.INDIREKTNI POREZI	1.020.000,00 KM
2. NEPOREZNI PRIHODI	1.090.000,00 KM

Prihodi od poduzetničkih aktivnosti i imovine	148.000,00 KM
Naknade i takse i prihodi od pružanja javnih usluga	940.000,00 KM
Novčane kazne i ostali prihodi	2.000,00 KM
3. TEKUĆE POTPORE	379.000,00 KM
Primljeni grantovi od Federacije	74.000,00 KM
Primljeni grantovi od JP „Elektroprivrede“	170.000,00 KM
Primljeni grantovi od Kantona	135.000,00 KM
4. KAPITALNI PRIMICI	0,00 KM
U K U P N I P R I H O D I	2.966.000,00 KM

Tabela 2.

RASHODI	
I. TEKUĆI IZDACI	2.229.258,46
I.1. PLAĆE I NAKNADE TROŠKOVA ZAPOSLENIH	856.150,00
Bruto plaće i naknade	687.200,00
Naknade troškova zaposlenih	97.150,00
Doprinosi poslodavca	71.800,00
I.2. IZDACI ZA MATERIJAL I USLUGE	242.755,00
Putni troškovi	3.005,00
Izdaci za energiju	22.900,00
Izdaci za komunalne usluge	9.600,00
Nabavka materijala	6.000,00
Izdaci za usluge prevoza i goriva	5.400,00
1.2.1. Izdaci za tekuće održavanje	12.200,00
Program koncesija	0,00
Program cestarina	0,00
Izdaci za materijal za zgrade, vozila i opremu	4.400,00
Izdaci za usluge održavanja zgrada, vozila i opreme	5.000,00
Održavanje puteva iz namjenskih sredstava ZDK i FBiH	0,00
Izdaci osiguranja, bankarskih usluga i uslugaplatnog prometa	2.800,00
1.2.2. Ugovorene i druge posebne usluge	183.650,00
Vijećničke naknade	65.220,00

Izdaci za reprezentaciju	2.500,00
Izdaci za stručno obrazovanje	0,00
Izdaci za informisanje	19.190,00
Program CZ 0,5 %	16.010,00
Program CZ 1 %	3.960,00
Program Fonda za zaštitu okoliša	19.080,00
Prevoz đaka i studenata	45.200,00
Komisije Općinskog vijeća	0,00
Komisije Općinskog načelnika	0,00
Komisije za tehnički prijem	11.250,00
Naknade za privremen i povremene poslove i ugovori o djelu	0,00
Projektovanje infrastrukturnih projekata	0,00
Učešće Općine u Programu "Prijateljsko okruženje"	0,00
Troškovi uvođenja trezorskog poslovanja	1.240,00
I.3. TEKUĆI GRANTOVI	1.130.353,46
1.3.1. Grantovi pojedincima	232.723,46
a) Novčana pomoć za nezaposlene pripadnike boračke populacije	
b) Pomoć za raseljene i povratnike	
c) Sredstva za potporu obnove i izgradnje povratnicima	
d) Studentske stipendije iz Budžeta općine Kakanj	
e) Alternativni smještaj boračkih populacija	
f) Zapošljavanje pripravnika	
g) Zapošljavanje volontera sa VSS i VŠS	
h) Zapošljavanje volontera sa SSS	
i) Grantovi pojedincima iz ZE-DO kantona	
j) Program socijalne zaštite putem Centra za socijalni rad	
k) Stimulacija nataliteta	
l) Subvencije za vodu potrošačima iz urbanog dijela općine Kakanj	
m) Subvencije za električnu energiju za kategoriju penzionera van urbanog područja općine Kakanj	
n) Subvencije za komunalije ostalim kategorijama stanovništva u stanju socijalne potrebe	
1.3.2. Grantovi neprofitnim organizacijama	895.600,00

Transfer javnim ustanovama	293.000,00
Transfer javnim preduzećima	12.100,00
Transfer za sport	72.540,00
Transfer JP „Kakanj-sport“ za zakup dvorane	11.960,00
Transferi boračkim udruženjima	28.700,00
Transfer političkim partijama	25.000,00
Transfer komunalne i građevinske naknade	390.700,00
Ostali transferi (vjerske zajednice, Merhamet-javna kuhinja, hitna pomoć)	61.600,00
1.3.3.Izvršenja po sudskim presudama	2.030,00
II. KAPITALNI IZDACI	170.000,00
Nabavka opreme	0,00
Program prijateljskog okruženja	170.000,00
III. TEKUĆA BUDŽETSKA REZERVA	5.000,00
IV. FINANSIRANJE	350.000,00
Otplata duga po kreditu JP Vodokom-KFW	50.000,00
Iznos za saniranje deficita	300.000,00
UKUPNI RASHODI I IZDACI	2.754.258,46

Član 3.

Transferi za budžetske korisnike izvršavat će se na način da se iznos od 1/12 sredstava doznačuje u periodu od 10-15 u mjesecu za prethodni mjesec.

Član 4.

Budžetski korisnici u periodu privremenog finansiranja ne mogu stvarati veće obaveze od predviđenih bez saglasnosti Općinskog vijeća.

Član 5.

Prihodi budžeta koji se ostvaruju kao i rashodi, koji se izvrše u periodu privremenog finansiranja, čine sastavni dio budžeta Općine Kakanj za 2012. godinu.

Član 6.

Nadležni izvršiocu budžeta ne mogu vršiti transfere kako po obimu tako i po namjeni izvan

okvira utvrđenih ovom Odlukom o privremenom finansiranju.

Član 7.

Dug po osnovu kredita JP „Vodokom“ d.o.o. Kakanj prema Federalnom ministarstvu finansija (KFW) realizovat će se u skladu s Ugovorom, Aneksom ugovora i otplatnim planom potpisanim sa Federalnim ministarstvom finansija.

Član 8.

Namjenske doznake sredstava viših nivoa vlasti (Federacija i Kanton) će se trošiti za namjene za koje su i odobrene a u skladu sa odlukama, zaključcima i drugim aktima na osnovu kojih su i doznačena sredstva na račun budžeta.

Član 9.

U slučaju da Općinski načelnik ne postupi u skladu s članom 3. ove Odluke kaznit će se sa 2.000,00KM za svako neizvršenje.

Član 10.

Danom usvajanja budžeta za 2012. godinu prestaje se primjenjivati ova Odluka.

Član 11.

Ova Odluka stupa na snagu danom donošenja a naknadno će se objaviti u “Službenim novinama Općine Kakanj”.

**PREDSJEDAVAJUĆI
OPĆINSKOG VIJEĆA**

Ivica Petrović, s.r

3.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-350/11

Kakanj, 05.01.2012. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 27. Zakona o ustanovama („Službeni list R BiH“, broj: 6/92 i 13/94), Općinsko vijeće na 38. sjednici održanoj 05.01.2012. godine, donijelo je

O D L U K U
o usvajanju Finansijskog plana JU za
predškolski odgoj i obrazovanje
„Mladost“ Kakanj za 2011. godinu

Član 1.

Ovom Odlukom, usvaja se Finansijski plan Javne ustanove za predškolski odgoj i obrazovanje „Mladost“ Kakanj za 2011. godinu.

Član 2.

Sastavni dio ove Odluke je Finansijski plan Javne ustanove za predškolski odgoj i obrazovanje „Mladost“ Kakanj za 2011. godinu.

Član 3.

Ova Odluka stupa na snagu danom donošenja a naknadno će se objaviti u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA

Ivica Petrović, s.r

4.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-345/11

Datum: 29.12.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 38. sjednici održanoj dana 29.12.2011. godine, donijelo je

Z A K L J U Č A K
o utvrđivanju Nacrta budžeta Općine Kakanj za
2012. godinu

1. Utvrđuje se Nacrt budžeta Općine Kakanj za 2012. godinu i isti stavlja na javnu raspravu.
2. Rok javne rasprave po Nacrtu budžeta Općine Kakanj za 2012. godinu utvrđuje se u trajanju od 30 dana i to počev od 30.12.2011. godine.
3. Za nosioce aktivnosti sprovođenja javne rasprave određuju se: Služba za finansije, Služba za opću upravu, lokalnu samoupravu, mjesne zajednice, opće i zajedničke poslove, Služba za poduzetništvo, društvene djelatnosti, eko-zaštitu i inspeksijske poslove i Općinski načelnik.
4. Svi učesnici u postupku javne rasprave, svoje primjedbe, mišljenja i sugestije u navedenom roku mogu dostaviti Službi za finansije Općine Kakanj.
5. Obavezuje se obrađivač - Služba za finansije, ostale navedene službe i predlagač – Općinski načelnik da prilikom izrade prijedloga budžeta Općine Kakanj za 2012. godinu razmotre sve prijedloge, mišljenja i sugestije iznesene na 38. sjednici Općinskog vijeća kao i sve prijedloge, mišljenja i sugestije prispjele u toku javne rasprave i o sprovedenoj javnoj raspravi podnesu izvještaj Općinskom vijeću.

6. Nacrt budžeta Općine Kakanj za 2012. godinu bit će objavljen na oglasnoj ploči Općine Kakanj i na web-stranici Općine Kakanj (www.kakanj.com.ba).
7. Kontakt osoba za sprovođenje javne rasprave je Berbić Džihad – Služba za finansije (tel. 032/771-806) i Kusić Enver – Stručna služba za poslove Općinskog načelnika (tel. 032/771-845).
8. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

5.

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ**

Općinsko vijeće

Broj: 0-01/1-346/11

Datum: 29.12.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08), i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 38. sjednici održanoj dana 29.12.2011. godine, donijelo je

ZAKLJUČAK

**o utvrđivanju Nacrta odluke o izvršavanju
budžeta Općine Kakanj za 2012. godinu**

1. Utvrđuje se Nacrt odluke o izvršavanju budžeta Općine Kakanj za 2012. godinu i isti stavlja na javnu raspravu.
2. Rok javne rasprave po Nacrtu odluke o izvršavanju budžeta Općine Kakanj za 2012. godinu utvrđuje se u trajanju od 30 dana i to počev od 30.12.2011. godine.
3. Za nosioce aktivnosti sprovođenja javne rasprave određuju se: Služba za finansije, Služba za opću upravu, lokalnu samoupravu, mjesne zajednice, opće i zajedničke poslove,

Služba za poduzetništvo, društvene djelatnosti, eko-zaštitu i inspeksijske poslove i Općinski načelnik.

4. Svi učesnici u postupku javne rasprave, svoje primjedbe, mišljenja i sugestije u navedenom roku mogu dostaviti Službi za finansije Općine Kakanj.
5. Obavezuje se obrađivač - Služba za finansije, ostale navedene službe i predlagač – Općinski načelnik da prilikom izrade prijedloga odluke o izvršavanju budžeta Općine Kakanj za 2012. godinu razmotre sve prijedloge, mišljenja i sugestije iznesene na 38. sjednici Općinskog vijeća kao i sve prijedloge, mišljenja i sugestije prispjele u toku javne rasprave i o sprovedenoj javnoj raspravi podnesu izvještaj Općinskom vijeću.
6. Nacrt odluke o izvršavanju budžeta Općine Kakanj za 2012. godinu bit će objavljen na oglasnoj ploči Općine Kakanj i na web-stranici Općine Kakanj (www.kakanj.com.ba).
7. Kontakt osoba za sprovođenje javne rasprave je Berbić Džihad – Služba za finansije (tel. 032/771-806) i Kusić Enver – Stručna služba za poslove Općinskog načelnika (tel. 032/771-845).
8. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

**PREDSJEDAVALAČI
OPĆINSKOG VIJEĆA**

Ivica Petrović, s.r

6.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-347/11

Kakanj, 29.12.2011. godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11), Općinsko vijeće na 38. sjednici održanoj 29.12.2011. godine, razmatrajući:

Prijedlog odluke o privremenom finansiranju Općine Kakanj za period 01.01.2012. – 31.03.2012. godine

usvojilo je sljedeći

ZAKLJUČAK

1. Zadužuje se obrađivač – Služba za finansije da do nastavka 38. sjednice Općinskog vijeća pripremi novelirani Prijedlog odluke o privremenom finansiranju Općine Kakanj za period 01.01.2012. – 31.03.2012. godine sa analitičkim prikazom prihoda i rashoda za navedeni period.
2. Ovaj Zaključak stupa na snagu danom donošenja a naknadno će se objaviti u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA

Ivica Petrović, s.r

7.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA KAKANJ

Općinsko vijeće

Broj: 0-01/1-349/11

Kakanj, 05.01.2012.godine

Na osnovu člana 24. Statuta Općine Kakanj („Službene novine Općine Kakanj“, broj: 4/08) i člana 96. Poslovnika o radu Općinskog vijeća („Službene novine Općine Kakanj“, broj: 6/11) Općinsko vijeće, uz Odluku o privremenom finansiranju Općine Kakanj za period 01.01 – 31.03.2012. godine, na 38. sjednici održanoj dana 05.01.2012. godine, donijelo je sljedeći

ZAKLJUČAK

1. Odbojkaškom klubu „Kakanj“ iz Kakanja odobrava se isplata sredstava u iznosu od 10.000,00 KM (deset hiljada KM) na ime pokrivanja troškova međunarodnog takmičenja.
2. Sredstva iz tačke 1. ovog Zaključka će se isplatiti sa pozicije „Transfer za sport“ Budžeta Općine Kakanj.
3. Za realizaciju ovog Zaključka zadužuje se Služba za finansije.
4. Ovaj Zaključak stupa na snagu danom donošenja, a naknadno će se objaviti u „Službenim novinama Općine Kakanj“.

PREDSJEDAVAJUĆI
OPĆINSKOG VIJEĆA

Ivica Petrović, s.r

**8.
BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
MINISTARSTVO ZDRAVSTVA**

Broj: 11-37-32563-1/11
Zenica, 28.12.2011. godine

Ministarstvo zdravstva Zeničko – dobojskog kantona, na osnovu člana 205. stav 1. Zakona o zdravstvenoj zaštiti („Službene novine Federacije Bosne i Hercegovine“, broj: 46/10), a u vezi sa članom 7. Pravilnika o načinu utvrđivanja vremena i uzroka smrti („Službene novine Federacije Bosne i Hercegovine“, broj: 15/00), donosi

R J E Š E N J E
o imenovanju doktora medicine za pregled
umrlih lica

Član 1.

Imenuju se doktori medicine – mrtvozornici za pregled lica umrlih izvan zdravstvene ustanove na mjesnim područjima općine Kakanj i to:

1. dr Irfan Mešić,
2. dr Miroslav Spasojević,
3. dr Amela Amidić,
4. dr Sedina Hađić.

Član 2.

Zadatak je mrtvozornika da na području općine Kakanj vrše pregled umrlih osoba u cilju:

- utvrđivanja nastupa, vremena i uzroka smrti, kao i okolnosti pod kojim je smrt nastupila,
- prikupljanje i dostavljanje nadležnim organima podataka i obavještenja o umrloj osobi na propisanim obrascima, posebno ukoliko postoji sumnja da je smrt nastupila nasilno ili je uzrok smrti zarazna bolest.

Član 3.

Doktori medicine – mrtvozornici imaju pravo na novčanu naknadu za pregled umrlih osoba i pravo na naknadu putnih troškova u visini koju utvrđuje Općina Kakanj. Naknada se isplaćuje iz sredstava Općine Kakanj.

Član 4.

Ovo Rješenje stupa na snagu danom donošenja i objavit će se u „Službenim novinama Općine Kakanj“.

MINISTRICA
mr.med.sci.dr Senka Balorda, s.r.

S A D R Ž A J

“SLUŽBENIH NOVINA OPĆINE KAKANJ” BROJ 1/12

1. Okvirni program rada Općinskog vijeća za 2012.godinu	1
2. Odluka o privremenom finansiranju Općine Kakanj za period 01.01.2012. – 31.03.2012. godine	8
3. Odluka o usvajanju Finansijskog plana JU za predškolski odgoj i obrazovanje Mladost“ Kakanj za 2011.godinu	11
4. Zaključak o utvrđivanju Nacrta budžeta Općine Kakanj za 2012. godinu	11
5. Zaključak o utvrđivanju Nacrta odluke o izvršavanju budžeta Općine Kakanj za 2012. godinu	12
6. Zaključak uz Prijedlog odluke o privremenom finansiranju Općine Kakanj za period 01.01.2012. – 31.03.2012. godine	13
7. Zaključak o odobravanju sredstava Odbojkaškom klubu „Kakanj“	13
8. Rješenje o imenovanju doktora medicine za pregled umrlih lica	14